

Қонун ҳужжатларининг рақобатга таъсирини баҳолаш бўйича ХУЛОСА №

I. Умумий маълумотлар

Хулоса Адлия вазирлигида 2019 йил 19 апрелда 3155-сон билан рўйхатга олинган Қонун ҳужжатларининг рақобатга таъсирини баҳолаш методикаси асосида тайёрланди.

1. Лойиҳани тақдим этувчи орган номи:

Ўзбекистон Республикаси Инвестициялар ва савдо вазирлиги.

2. Лойиҳанинг номи ва тури:

Ўзбекистон Республикаси Президентининг қарори лойиҳаси.

3. Лойиҳани ишлаб чиқиш учун асос:

Ташаббускорлик асосида.

4. Лойиҳанинг қисқача мазмуни:

2019-2022 йилларда инвесторнинг ўз маблағлари ҳамда жалб этилган маблағлари ҳисобидан умумий миқдори 100 миллион доллардан кам бўлмаган миқдорда лойиҳа ҳужжатларига мувофиқ беш юлдузли хизмат кўрсатиш классига эга меҳмонхона ва офис учун бинолардан иборат “Tashkent Central Park” кўп тармоқли комплексини лойиҳалаш, қуриш, эксплуатацияси ва хизмат кўрсатиш бўйича инвестиция лойиҳасини амалга ошириш доирасида алоҳида имтиёз ва преференциялар бериш кўзда тутилган.

II. Тадбиркорлик субъектларининг асосий гуруҳлари бошқа масъул шахслар ҳамда таклиф этилаётган ҳужжатда давлат органларининг манфаатларига доир масалалар тартибга солинадиган маълумотлар

5. Ҳужжат билан манфаатлари назарда тутилаётган гуруҳ иштирокчиларининг таснифи:

тадбиркорлик субъектлари гуруҳлари – “Taskent Merkez Park Gayrimenkul Yatirim Anonim Sirketi” компанияси (Туркия Республикаси) ва “UzTur Investment and Development” МЧЖ;

давлат органлари гуруҳи – Ўзбекистон Республикаси Инвестициялар ва ташқи савдо вазирлиги, Тошкент шаҳар ҳокимлиги;

бошқа иштирокчилар гуруҳи муносабатлари – мавжуд эмас.

6. Янги ёки амалдаги функцияларга киритилаётган ўзгартиришлар, ваколатлар, мажбуриятлар, имтиёзлар, преференциялар, давлат органлари ҳуқуқлари ва уларни амалга ошириш тартиби тўғрисида,

шунингдек, киритилилаётган чекловлар бўйича ҳамда бошқа маълумотлар:

6.1. Қарор лойиҳасининг 3-бандида Инвестиция лойиҳасини амалга ошириш доирасида инвесторлар, пудратчилар ва субпудратчилар:

а) 2024 йил 1 январгача:

ягона ижтимоий тўловдан ташқари барча турдаги солиқлар ва йиғимлардан;

хорижий мутахассисларининг иш ҳақи фонди бўйича ягона ижтимоий тўловдан;

“вақтинча олиб кириш” божхона режимида олиб кириладиган ва расмийлаштириладиган қурилиш техникаси, машина ва механизмлар, асбоб-ускуналар, вақтинчалик бино ва иншоотлар, транспорт воситалари даврий божхона тўловларидан;

қўшилган қиймат солиғидан – инвесторлар, пудрат ва субпудрат ташкилотлари Ўзбекистон Республикаси норезидентлари томонидан бажариладиган ишлар (кўрсатиладиган хизматлар) бўйича;

жисмоний шахслардан олинadиган фойда солиғидан – инвестиция лойиҳасида иштирок этувчи хорижий мутахассислар;

б) 2022 йил 1 январга қадар – технологик ҳужжатлар, материаллар, хом ашё, ускуналар, эҳтиёт қисмлар, бутловчи буюмлар, шунингдек металл прокатини олиб киришда божхона тўловларини тўлашдан (божхона расмийлаштируви учун йиғимлардан ташқари), 2022 йил 1 январдан 2024 йилга қадар эса – ўрнатилган тартибда тасдиқланадиган рўйхатлар асосида юқорида қайд этилган товарлар олиб кирилганда божхона тўловларидан (божхона расмийлаштируви учун йиғимлар ва қўшилган қиймат солиғидан ташқари) озод қилиниши белгиланмоқда.

6.2. Қарор лойиҳасининг 4-бандида инвесторлар, пудратчилар ва субпудратчиларга инвестиция лойиҳасини амалга ошириш доирасида олиб кириладиган товарларни ўзининг сақлаш учун омборхоналарига жойлаштиришга рухсат берилмоқда.

III. Рақобатга таъсирнинг таҳлили

7. Ҳужжатни қабул қилинишининг оқибатлари прогнози

7.1. Қарор лойиҳасининг 3-бандида Инвестиция лойиҳасини амалга ошириш доирасида инвесторлар, пудратчилар ва субпудратчилар:

а) 2024 йил 1 январгача:

ягона ижтимоий тўловдан ташқари барча турдаги солиқлар ва йиғимлардан;

хорижий мутахассисларининг иш ҳақи фонди бўйича ягона ижтимоий тўловдан;

“вақтинча олиб кириш” божхона режимида олиб кириладиган ва расмийлаштириладиган қурилиш техникаси, машина ва механизмлар, асбоб-ускуналар, вақтинчалик бино ва иншоотлар, транспорт воситалари даврий божхона тўловларидан;

қўшилган қиймат солиғидан – инвесторлар, пудрат ва субпудрат ташкилотлари Ўзбекистон Республикаси норезидентлари томонидан бажариладиган ишлар (кўрсатиладиган хизматлар) бўйича;

жисмоний шахслардан олинадиган фойда солиғидан – инвестиция лойиҳасида иштирок этувчи хорижий мутахассислар;

б) 2022 йил 1 январга қадар – технологик ҳужжатлар, материаллар, хом ашё, ускуналар, эҳтиёт қисмлар, бутловчи буюмлар, шунингдек металл прокатини олиб киришда божхона тўловларини тўлашдан (божхона расмийлаштируви учун йиғимлардан ташқари), 2022 йил 1 январдан 2024 йилга қадар эса – ўрнатилган тартибда тасдиқланадиган рўйхатлар асосида юқорида қайд этилган товарлар олиб кирилганда божхона тўловларидан (божхона расмийлаштируви учун йиғимлар ва қўшилган қиймат солиғидан ташқари) озод қилиниши белгиланмоқда.

7.2. Қарор лойиҳасининг 4-бандида инвесторлар, пудратчилар ва субпудратчиларга инвестиция лойиҳасини амалга ошириш доирасида олиб кириладиган товарларни ўзининг сақлаш учун омборхоналарига жойлаштиришга рухсат берилмоқда.

Ўзбекистон Республикаси “Рақобат тўғрисида”ги Қонунининг 12-моддасига мувофиқ, давлат бошқаруви органлари ва маҳаллий давлат ҳокимияти органларининг айрим хўжалик юритувчи субъектларга уларни товар ёки молия бозорида фаолият кўрсатаётган **бошқа хўжалик юритувчи субъектларга нисбатан афзал ҳолатга қўядиган имтиёзлар, преференциялар ва енгилликларни асоссиз равишда бериши таъқиқланиши кўрсатилган.**

Ўзбекистон Республикаси Президентининг 2017 йил 8 сентябрдаги ПФ-5185-сон Фармони билан тасдиқланган “Ўзбекистон Республикасида Маъмурий ислохотлар Концепцияси”да хусусий сектор самарали фаолият кўрсатаётган соҳаларда давлат иштирокидаги тижорат ташкилотларини тузишга чеклов чораларини белгилаш ва амалдаги корхоналарни қайта ташкил этиш, шунингдек, соғлом рақобат муҳитининг ривожланишини чеклаётган алоҳида хўжалик юритувчи субъектларга эксклюзив ҳуқуқлар, индивидуал имтиёзлар ҳамда преференциялар **бериш амалиётидан воз кечиш** кўрсатилган.

Шунингдек, Ўзбекистон Республикаси Президентининг 2018 йил 31 майдаги “Имтиёзлар ва преференциялар бериш тартибini тубдан такомиллаштириш чора-тадбирлари тўғрисида”ги ПҚ-3756-сонли қарорига асосан солиқ ва божхона имтиёзлари ҳамда преференциялар қонунлар ва Ўзбекистон Республикаси Президенти ҳужжатлари билан **умуман тармоқлар, фаолият соҳалари, ҳудудлар учун берилиши**, вақтинчалик имтиёзлар Ўзбекистон Республикаси Президенти ҳужжатлари билан 3 йилдан ортиқ бўлмаган муддатга берилиши, индивидуал имтиёзлар, алоҳида ҳолларда, хусусий сектор инвестиция киритишдан манфаатдор бўлмаган тармоқларда ижтимоий аҳамиятга эга лойиҳаларни амалга ошириш учун, аниқ ижтимоий ёки иқтисодий асослар мавжуд бўлганда ёхуд Ўзбекистон Республикасининг халқаро шартномаларига мувофиқ, Ўзбекистон Республикаси Президенти ҳужжатлари билан берилиши кўрсатилган.

Юқоридагиларни инобатга олиб, қарор лойиҳаси қабул қилинишини мақсадга мувофиқ эмаслиги билдирилади.

IV. ХУЛОСА

Юқоридагилардан келиб чиқиб, ушбу Қарор лойиҳасини қабул қилиниши оқибатида бошқа хўжалик юритувчи субъектларга нисбатан афзал ҳолатга қўядиган имтиёзлар, преференциялар ва енгилликлар берилиши **“Рақобат тўғрисида”ги Қонунининг 12-моддаси, Ўзбекистон Республикаси Президентининг 2017 йил 8 сентябрдаги ПФ-5185-сон Фармони билан тасдиқланган Ўзбекистон Республикасида Маъмурий ислохотлар Концепциясига, Ўзбекистон Республикаси Президентининг 2018 йил 31 майдаги ПК-3756-сонли қарори талабларига зид эканлигини инобатга олиб, қарорни қабул қилиниши мақсадга мувофиқ эмас деб ҳисобланади.**